

tangata o te Nelson Karapu. Te mutunga o te purei e toru paina, a tetahi taha, e toru hoki a tetahi.

I te ahiahi i karangatia katoatia nga tamariki o Te Aute ki te Kareti Pakeha o Nelson. Ko te waiata na nga tamariki o Nelson. Ka ntu tera katahi ka whakakitea te "Magic Lantern" (he ramu whakakitekite whakaahua i te po). Ko nga whakaahua no nga wahi i hurihia e te pakarunga o tetahi maunga i Itari.

I te wiki ka kauwhau ano nga tamariki Maori ki nga kura Ratapu. I te ahiahi ka kauwhau ano nga tamariki kaumatua ake, ki nga pakeha. Nui atu te whakamoemiti me te aroha o nga pakeha ki nga tamariki Maori mo a ratou kupu i whakahua ai.

No te ata o te Mane ka haere a Matenga raua ko Peneti ki Blenheim, ki Wairau, ki Waitohi, ki Waikawa, ki te whakarite i nga mahi ma nga tama iki nei ki reira, ki te whakarite hoki i nga kainga hei nohanga mo ratou.

No te Turei ka whakaritea e Te Tatana tetahi pikiniki nui, hei powhiritanga ma ratou ko ana tamariki i nga tangata katoa i manaaki nei i a ratou. I haere katoa ratou ki nga onepui tai, ki reira haereere ai.

No te Wenerei ka rere to ratou tima. I te ahiahi ka tae ki Picton (Waitohi). Te mutunga o te kai ka huihui ki te Whare-Kura. I reira ta ratou ngahau.

Ao ake ka haere katoa ki Waikawa. Kaore i mohio mai nga tangata o te kainga, he ope tenei te haere atu nei. Rokohanga atu e raruraru ana te kainga. He maha nga mihi mai a nga tangata whenua. Na Matenga i whakahoki nga korero. I whai kupu hoki a Ware Waitai me Peneti. Te mutunga o te kai, katahi ka hokihoki katoa ngaimaua ki Waitohi: ma runga tereina, tae atu ana ki Blenheim.

Rokohanga atu e whanga mai ana a Rev. Te Kerehi, (Abirikona), me Mr Jenkins, me etahi atu. Kaore i roa e whakariterite ana kua tae katoa nga tamariki ki nga kainga i whakaritea ai mo ratou. I noho ano ratou i konei ki nga kainga o nga pakeha rangatira o tera whenua.

I te ata o te Paraire (Hurae 8th) ka tukuna mai e nga Maori o Wairau, o ratou tarapu me te kooti hei kaweti to matou ope ki to ratou kainga ki Wairau.

Te mutunga o te Kai, ka huihui katoa mai nga tangata ki te whare-kura. Na Arapeta Rore nga manuhiri i powhiri. Muri iho i a ia, na te Tatana nga korero. Pai atu ana korero; he tohutohu nana i nga huarahi e kitea ai te ora mo te iwi Maori. He

maha atu hoki etahi i whai kupu o nga tangata whenua o nga manuhiri. Ka mutu nga korero, ka karakia. Te mutunga o te Karakia, katahi matou ka hoki-hoki ki Blenheim.

I te ahiahi he nui nga pakeha i huihui ki te hooro ki te whakarongo i nga mahi ngahau a te Maori.

I te Hatarei (Hurae 9th) ka purei kiki-pooro a Te Aute ki Wairau. Wini ake i nga tamariki Maori, 11 : 9 nga paina.

No te Wiki ka tukuna mai ano nga tarapu o nga Maori o Wairau ki te tiki mai i a matou Karakia katoa matou ki roto i to ratou whare karakia (Weteriana). Konga kauwhau na Ware Waitai, Na Balneavis, Na Terei Ngatai, Na Riwai Hiwinui, Na Hemi Matenga, Na Mr Jenkins, Na Te Kerehi, Na Peneti. No to matou putanga mai ki waho, ka tae mai te rongu, kua mate te minita o taua whare i karakiatia nei e matou a Rev. Hetaraka Warahi.

I hoki te nuinga o matou ki Blenheim ki te kauwhau ki nga tamariki o nga kura Ratapu.

I te toru o nga haora he karakia powhiri i nga tangata purei kiki-pooro, kia mahara ai hoki ratou ki nga mea o te Atua.

I te Ahiahi he karakia nui ki te Whare Karakia o Te Kerehi. E ono rau e whitu rau ranei nga tangata i tapoko ki roto ki taua whare Muri iho i te karakia nui, ka whai kupu a Te Tatana raua ko Peneti ki nga Pakeha, kia tahuri nui ratou ki te awhina i nga tikanga e ora ai te iwi Maori.

I te ata o te Mane ka haere katoa matou ki te matakita i te wahi i putaputua ai nga pakeha e te Rauparaha, ara e kiia nei e te pakeha "Wairau Massacre."

No te 2-30 p.m. ka huihui katoa atu matou ki te kainga o Mr Jenkins. Ko ia te rangatira o te Peeke i Blenheim. Nui atu te aroha o taua pakeha ki nga tamariki Maori.

No te 4 p.m. ka tae katoa matou ki te teihana o te Tereina. Ki tonu te teihana i te pakeha i haere mai ki te tangi atu ki o ratou hoa pakeha. I te Ahiahi ka tae ki Picton. I reira te ngahau i te po.

whakanekehia te taima o te Tima i te Ahiahi kia mutu ra no nga mahi o nga tamariki ka rere ai. No te 10-30 p.m. rere atu ana to ratou tima. Tangi atu ana, tangi mai ana. Noho mekemoke ana nga mea i waiho iho.

Huihui katoa nga moni i puta i runga i a ratou mahi £106. Te utunga atu i nga raruraru katoa, ko nga moni i toe £44. No te taenga ki Poneke ka kitea ko te taima o nga tikiti mo te tereina kua pahure ke. U